



JAVNO PREDUZEĆE ŽELJEZNICE FEDERACIJE BOSNE I HERCEGOVINE  
društvo sa ograničenom odgovornošću SARAJEVO  
71 000 Sarajevo, Musala 2

3188/2024  
07.11.2024.

Mehmed S.

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 102050000088171, DEVIZNI-IBAN:BA39+102050000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-17507-1-15.2./2024

Datum: 05.11.2024.godine

Mjesto: Sarajevo

Na osnovu člana 70. stav (4), a u vezi sa članom 69. stav 2) pod d) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav 1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine, Rješenja Ureda za razmatranje žalbi broj: JN2-03-07-1-2503-6/24 od 03.10.2024. godine i Zapisnika o pregledu i ocjeni ponuda sa preporukom Komisije broj: 6695-1-1/2024 od 28.10.2024. godine, Uprava Društva na 31. sjednici, održanoj dana 05.11.2024.godine, donijela je:

**ODLUKU**  
o poništenju postupka javne nabavke

**I**

Poništava se otvoreni postupak javne nabavke roba – Izvori svjetlosti unutrašnje rasvjete, tender broj: UD-6695-1/2024.

**II**

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

**III**

Ova Odluka stupa na snagu danom donošenja.

**O b r a z l o ž e n j e**

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-6531-1-7.5./2024 od 19.04.2024. godine odobrila pokretanje otvorenog postupka javne nabavke roba – Izvori svjetlosti unutrašnje rasvjete, tender broj: UD-6695-1/2024.

Rješenjem VD Predsjednika Uprave - Generalnog direktora broj: 1-7196-1/2024 od 26.04.2024. godine, imenovana je Komisija za nabavke (u daljem tekstu: Komisija) koja je provela postupak javne nabavke u sljedećem sastavu: Mehmed Sijarić – predsjedavajući, Haris Trapara – član, Željko Božić – član, Ana Šimunović – član i Harijeta Kujović – član. Za sekretara Komisije imenovana je Azra Mešanović - Ridić.

Obavještenje o nabavci je objavljeno na portalu javnih nabavki dana 06.06.2024. godine pod brojem: 1050-1-1-130-8-91/24. Sažetak obavještenja o nabavci objavljen je u „Sl. glasniku BiH“ broj: 41/2024 od 14.06.2024. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22) (u daljem tekstu: Zakon), Komisija je dana 03.07.2024. godine u 12:00 sati, izvršila javno otvaranje ponuda. Do roka određenog za prijem ponuda, blagovremeno su zaprimljene 2 (dvije) ponude, i to:

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

1. Ponuda ponuđača „TRANZIT ELEKTRO“ d.o.o. Zenica koji je ponudio sljedeće:

- Cijenu: 19.865,50 KM bez PDV-a, odnosno 23.242,64 KM sa PDV-om,
- Uslovi i način plaćanja: 30 dana od dana uredno zaprimljene fakture,
- Rok isporuke: 10 dana od dana uredno ispostavljene narudžbenice dobavljaču.

2. Ponuda ponuđača „DEMA & S“ d.o.o. Mostar koji je ponudio sljedeće:

- Cijenu: 26.215,00 KM bez PDV-a, odnosno 30.671,55 KM sa PDV-om,
- Uslovi i način plaćanja: 60 dana od dana uredno zaprimljene fakture,
- Rok isporuke: 7 dana od dana uredno ispostavljene narudžbenice dobavljaču.

Komisija je izvršila pregled i ocjenu pristiglih ponuda, te utvrdila sljedeće:

Ponude ponuđača „TRANZIT ELEKTRO“ d.o.o. Zenica i „DEMA & S“ d.o.o. Mostar su prvobitno ocijenjene kao prihvatljive na osnovu člana 2. stav (1) tačka l) pod 1) Zakona.

Nakon pregleda ponuda, Komisija je izvršila bodovanje istih kako slijedi:

PONUĐAČ:	*** NAPOMENA: CIJENA NAVEDENA U OVOJ OCIJENI JE CIJENA NAKON RAČUNSKE PROVJERE!!!			
	1. CIJENA: 90%  IZRAČUN: (najniža cijena koja je ponudena / cijena koja je predmet ocijene) x 85% = BODOVA	2. USLOVI I NAČIN PLAĆANJA: 5%  IZRAČUN: (ponudeni rok plaćanja koji je predmet ocijene / najpovoljniji rok plaćanja koji je ponuden) X 5% = BODOVA	3. ROK ISPORUKE: 5%  IZRAČUN: (najkraći ponudeni rok isporuke/rok isporuke ponuden u ponudi koja se ocijenjuje) x 10% = BODOVA	1.+2.+3. UKUPNO BODOVA
TRANZIT ELEKTRO D.O.O.ZENICA	46,85 KM	Ponudeni rok plaćanja (dana)	Rok isporuke (dana)	
	Konačna cijena	30	10	
	19.865,50 KM	Najpovoljniji rok plaćanja	Najkraći rok isporuke	
	Najpovoljnija ponudena cijena			
	19.865,50 KM	30	7	
	Obračun bodova	Obračun bodova	Obračun bodova	
	90,00	5,00	3,50	
DEMA & S D.O.O.MOSTAR	38,34 KM	Ponudeni rok plaćanja (dana)	Rok isporuke (dana)	
	Konačna cijena	60	7	
	26.215,00 KM	Najpovoljniji rok plaćanja	Najkraći rok isporuke	
	Najpovoljnija ponudena cijena			
	19.865,50 KM	30	7	
	Obračun bodova	Obračun bodova	Obračun bodova	
	68,20	10,00	5,00	

UIC 50

Bosna i Hercegovina

Cijeneći navedeno, Komisija je prvobitno utvrdila da su ispunjeni zakonski uslovi za nastavak postupka i dodjelu ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, dala preporuku Upravi Društva za donošenje Odluke o izboru najpovoljnijeg ponuđača kojom se Ugovor za javnu nabavku roba – Izvori svjetlosti unutrašnje rasvjete, tender broj: UD-6695-1/2024, dodjeljuje ponuđaču „TRANZIT ELEKTRO“ d.o.o. Zenica u ukupnom iznosu od 19.865,50 KM bez PDV-a, odnosno 23.242,64 KM sa PDV-om, a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude, na osnovu kojeg je izvršeno bodovanje prihvatljivih ponuda u postupku javne nabavke roba – Izvori svjetlosti unutrašnje rasvjete, tender broj: UD-6695-1/2024.

Uprava Društva je prihvatila preporuku Komisije, te je dana 22.08.2024. godine, na svojoj 25. sjednici donijela Odluku o izboru najpovoljnijeg ponuđača broj: UD-13719-1-11.4./2024, kojom ugovor za predmetnu nabavku dodjeljuje ponuđaču TRANZIT ELEKTRO” d.o.o. Zenica.

Obavještenjem broj: 1-14058-1/2024 od 27.08.2024. godine, ponuđači u postupku su obaviješteni o ishodu istog. Po zaprimanju Obavještenja, ponuđač DEMA&S d.o.o. Mostar je izjavio Žalbu broj: 38/24 od 05.09.2024. godine, zaprimljenu na protokol Ugovornog organa dana 06.09.2024. godine pod brojem protokola: 45-14561-1/2024, na Odluku o izboru najpovoljnijeg ponuđača broj: UD-13719-1-11.4./2024 od 22.08.2024. godine, pozivajući se na pogrešno i nepotpuno utvrđeno činjenično stanje, pogrešnu primjenu materijalnih propisa i bitne povrede odredbi Zakona o javnim nabavkama.

Po zaprimanju žalbe, Ugovorni organ je u skladu sa članom 110. Zakona odgodio nastavak predmetnog postupka javne nabavke do donošenja odluke Ureda za razmatranje žalbi, putem obavijesti broj: 1-14568-1/2024 od 06.09.2024. godine.

Ugovorni organ je utvrdio da je žalba blagovremena, dopuštena i izjavljena od ovlaštenog lica. Na osnovu člana 100. stav 5. Zakona o javnim nabavkama ugovorni organ je u zakonskom roku dostavio Uredu za razmatranje žalbi Izjašnjenje na navode žalbe broj: 1-14720-1/2024 od 10.09.2024. godine, kao i kompletnu dokumentaciju vezanu za postupak javne nabavke. Izjašnjenjem je žalba ponuđača odbijena u cjelosti kao neosnovana.

Ugovorni organ je dana 07.10.2024. godine zaprimio Rješenje Ureda za razmatranje žalbi broj: JN2-03-07-1-2503-6/24 od 03.10.2024 godine, u kojem je isti utvrdio da je Žalba djelimično osnovana, te poništio Odluku o izboru najpovoljnijeg ponuđača broj: UD-13719-11.4/2024 od 22.08.2024. godine i predmet vratio Ugovornom organu na ponovni postupak.

Odmah po dobijanju Rješenja Komisija za javne nabavke se sastala i pristupila ponovnom uvidu i pregledu ponuda, nakon čega je utvrdila sljedeće:

1. Postupajući po Rješenju Ureda za razmatranje žalbi broj: JN2-03-07-1-2503-6/24 od 03.10.2024 godine, a kojim je utvrđena osnovanost žalbenih navoda, koji pored propusta Ugovornog organa za netraženje obrazloženja neprirodno niske cijene, osporavaju dostavljeni kataloški list za stavku 4. Fluorokompaktna ili štedna sijalica CLF iz Priloga 3. Obrasca za cijenu ponude, kao i osnovanost žalbenih navoda koji osporavaju dostavljeni kataloški list na stranici 17. Ponude izabranog ponuđača TRANZIT ELEKTRO d.o.o. Zenica, u skladu sa članom 2. stav (1) tačka 1) pod 3. Zakona o javnim nabavkama, Komisija za javne nabavke je za ponudu izabranog ponuđača utvrdila da je nepravilna.

2. Kako je Komisija za javne nabavke u prethodno izvršenom postupku pregleda i ocijene ponuda zauzela stav da su zaprimljene ponude ponuđača TRANZIT ELEKTRO d.o.o. Zenica i DEMA&S d.o.o. Mostar prihvatljive, a Ured za razmatranje žalbi utvrdio osnovanost žalbenih navoda koji ponudu ponuđača TRANZIT ELEKTRO d.o.o. Zenica u skladu sa članom 2. stav (1) tačka 1) pod 3. Zakona o javnim nabavkama ocijenjuju

nepravilnom, pristupilo se ponovnom pregledu ponude ponuđača DEMA&S d.o.o. Mostar, nakon čega je utvrđeno sljedeće:

a. Pod stavkom 10. tehničke specifikacije Ugovorni organ je naveo da izvor svjetlosti treba da bude sijalica sa žarnom niti A55-60, koji pored ostalih karakteristika treba posjedovati standardni priključak E40 (koji odgovara snazi svjetlosnog izvora sijalice sa žarnom niti od 300W). Ponuđači su pod ovom stavkom mogli ponuditi i LED izvor svjetlosti istog svjetlosnog toka, iste boje i istih dimenzija, ali smanjene snage od 40W do 60W. Pod ovom stavkom ponuđač je ponudio LED svjetlosni izvor sa grlom E27/E40 sa dimenzijama koje su značajno veće od navedenih u tehničkoj specifikaciji. Pored ovoga, iz dostavljenih kataloških informacija se može utvrditi da se ovaj ponuđeni svjetlosni izvor izrađuje samo sa grlom E27 što je zajedno sa prevelikim dimenzijama u suprotnosti sa navedenim opisom i karakteristikama iz tehničke specifikacije.

b. Pod istom stavkom 10. tehničke specifikacije, ponuda sadrži adapter E27/E40, što joj daje karakter alternativne ponude, što je u suprotnosti sa tačkom 18.1. tenderske dokumentacije, gdje je navedeno da ponuđačima nije dozvoljeno da dostavljaju alternativne ponude.

c. Pod stavkom 11. tehničke specifikacije ugovorni organ je naveo da izvor svjetlosti treba da bude sijalica sa žarnom niti A55-60, koja pored ostalih karakteristika, treba da posjeduje svjetlosni tok od minimalno 600 lm (koji odgovara snazi svjetlosnog izvora sijalice sa žarnom niti od 60W). Ponuđači su pod ovom stavkom mogli ponuditi i LED izvor svjetlosti istog svjetlosnog toka, iste boje i istih dimenzija, ali smanjene snage od 10W do 12W. Pod ovom stavkom ponuđač je ponudio LED svjetlosni izvor sa 400

lm, a što je potvrdio i dostavljenim kataloškim informacijama. Ponuđeni izvor svjetlosti pod stavkom 11. ponude je tako u suprotnosti sa navedenim opisom i karakteristikama iz tehničke specifikacije.

d. Pod stavkom 12. tehničke specifikacije ugovorni organ je naveo da izvor svjetlosti treba da bude sijalica sa žarnom niti A55-60, koji pored ostalih karakteristika, treba da posjeduje svjetlosni tok od minimalno 1000 lm (koji odgovara snazi svjetlosnog izvora sijalice sa žarnom niti od 100W). Ponuđači su pod ovom stavkom mogli ponuditi i LED izvor svjetlosti istog svjetlosnog toka, iste boje i istih dimenzija, ali smanjene snage od 12W do 15W. Pod ovom stavkom ponuđač je ponudio LED svjetlosni izvor sa 800 lm, a što je potvrdio i dostavljenim kataloškim informacijama. Ponuđeni izvor svjetlosti pod stavkom 12. ponude je tako u suprotnosti sa navedenim opisom i karakteristikama iz tehničke specifikacije.

e. Pod stavkom 16. tehničke specifikacije ugovorni organ je naveo da izvor svjetlosti treba da bude LED sijalica, koja pored ostalih karakteristika, treba da posjeduje dimenzije ne veće od 67x125mm (koje su veće od dimenzije sijalice date kao primjer pod stavkom 16. tehničke specifikacije). Pod ovom stavkom ponuđač je ponudio LED svjetlosni izvor, ali dimenzija 80x112mm, što se vidi prema dostavljenom kataloškom listiću, što je u suprotnosti sa navedenim opisom i karakteristikama iz tehničke specifikacije.

f. U većem dijelu ponuđenih stavki ponuđač DEMA&S d.o.o. Mostar je umjesto tipa ili oblika svjetlosnog izvora (A, PS, B, C, G, T itd.) stavljao standardni naziv grla svjetlosnog izvora E27, što je također u suprotnosti sa tačkom 13.8. i tačkom 13.9. tenderske dokumentacije, a u vezi ispunjenja uslova navedenih u tehničkoj specifikaciji dostavljanoj kao prilog 10 tenderske dokumentacije.

3. Komisija za javne nabavke je, postupajući prema Rješenju Ureda za razmatranje žalbi broj: JN2-03-07-1-2503-6/24 od 03.10.2024 godine, a u vezi primjene člana 2. stav (1) tačka 1) pod 3. Zakona o javnim nabavkama utvrdila da je ponuda ponuđača DEMA&S d.o.o. Mostar nepravilna.



Komisija je dalje konstatovala da nisu ispunjeni zakonski uslovi za nastavak postupka nabavke i zaključenje ugovora o javnoj nabavci roba – Izvori svjetlosti unutrašnje rasvjete, tender broj: UD-6695-1/2024, te je u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluke o poništenju predmetnog postupka javne nabavke, a u skladu sa Rješenjem Ureda za razmatranje žalbi broj: JN2-03-07-1-2503-6/24 od 03.10.2024. godine i članom 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Željeznička infrastruktura,
- Sektor za nabavke i prodaju/x2,
- Sektor plana, analize i raspoređivanja prihoda,
- Ponuđaču/x2,
- Uz Zapisnik,
- a/a.

VD Predsjednika Uprave – Generalnog direktora



Enis Džafić, mr.ecc.